



矢音集卷三

錢唐梁詩正薌林

癸亥春帖子詞

癸以下
亥

天紀璇杓運春暉麗景含拱辰瞻自北獻

壽咏維南

甲子瑤編已再周百年禮樂應期修試聽

丹陛簫韶奏儼共清都麟鳳遊

龍池涵碧繞

宸居映日初浮在藻魚天上恩波深幾許溥分餘

潤到新畬

恭和

御製元旦試筆元韻

三朝廻仗鳳樓邊

睿想從容淑景前東闕平臨金掌日西山橫抹翠
微烟重周歲甲歸軒紀載撫仙韶叶舜年雲
物朗同

天藻麗豪端元幹應靈乾

詠蕩天閭香靄升寰瀛協氣蔚雲蒸宜春綵
帖金華豔獻

壽椒觴玉盃增律暖千花明鈿砌

詩成五色灑文綾光芒欲動蒼龍宿取次東郊

木德乘

恭和

御製正月初十日立春元韻

葉葉鸞旂次第開雲翹按節舞低徊律回鳳
紀經旬早風解龍津一夕纔戍夜傳籤瞻斗
極辛盤縈縷侑天杯春暉景麗青郊永疊巘
遙迎

翠輦來

恭和

御製上元前一日雪元韻

霏微雪點玉階宜上瑞先占

天意知却映春燈浮彩暈乍凝曉樹帶冰絲寒侵
梅格逾清艷雲漏蟾光半合離喜氣新添傳
七字恩膏恰稱

賜柑時

恭和

御製柳絮元韻

花事匆匆又一巡柳綿宛轉徧芳津攀條省
識黃金嫩和曲應傳白雪春啼眼乍乾零賸

粉舞腰頻裊散輕塵昌黎莫笑無才思丰致
偏宜淡蕩人

誰將榮悴辨枯稊夢繞池塘境轉迷物候每
占桑落矣風情還記稗漂兮殘春有客辭梁
苑斜日無人上汴隄不用倚闌增悵望浮踪
何計出汙泥

便學青要降雪霜賺他白戰聚星堂曉鴉踏
處紛難定綺陌晴時舞更狂漠漠無情空裏
色翩翩作態靜中忙飛揚自解隨琴韻正使
沾泥也不妨

夕音集 卷三 三
章臺風景亂烟霏撲面真同白羽揮碧毯旋
團封草短綠波攢點作萍肥魚噉喜見銀刀
出燕蹴驚看玉翦飛曾向龍池霑雨露定隨
雲葉潤仙衣
長安陌上樹無窮涌現堯羅障遠空想像秋
深捲蘆雪縱橫春杪趁蘋風飄來欲送斑駘
客撲取聊憑北角童獨有靈和邀

睿賞飛花巧綴畫欄紅

奉

勅題畫馬

古來傳畫馬畫肉難畫骨千載無曹韓風流
已消歇誰為圖騶裊神姿竦騰越蹠躩足追
風昂藏權協月緬想

天廡材邊沙橫出沒不羨畫中看驤首思一發
恭和

御製御門日雨元韻

乍聞清響滴高桐漠漠雲陰滿碧穹

聖澤已昭三日應

天心早鑒

萬幾躬清浮麥氣占秋隴爽入冰懷笑夏蟲

志喜待賡

宸藻屢不辭霑濕鷺鷥同

鑰魚初動儼霞臨

宵旰長勤匪自今每到薰絃調舜律倍從黃屋軫
堯心纖埃乍息南箕扇膏露頻看北斗斟嵩岱崇
朝甘雨遍尚煩雲漢

塵懷深

時山東河南二
省未報得雨

恭和

御製賦得折檻旌直臣元韻

試翰詹
諸臣題

狂詞叩丹陛侍史列螭坳氣激龍鱗振威凌

天鼓敲降心歸茹納垂聽到喑喑竟以直相
賞居然鑿不淆如何廷檻折還致國梁摻擬
跡同園轉遺忠逐夢拋從來親藥石端在判
荃茅歎息堂廉合從容上下交

恭和

御製賦得既雨晴亦佳元韻

雨催殘暑夏將歸穿漏晴光逗紵衣紅淨藕
花低映水翠勻苔色半侵扉風軒乍啟

天襟爽烟樹遙籠村火微聽徹農歌歌歲稔早占
百福已如幾

恭和

御製對雨元韻

雲幕罨遙空涼生露井桐土膏迴溽潤

天澤洗炎隆落砌泉喧筑分畦溜引筒縣延三日喜

醞釀九秋功賞憶茅檐共聽隨玉漏窮熏絃

方緩節摘藻寄

淵衷

奉

勅題張若靄三秋圖

三秋謂紫薇黃葵木芙蓉

娟娟擢輕英盈盈浥清露好手貌秋姿併入

寒芳圃風流紫綬客合向金華住微吟伴詞

人故事傳仙署胡為結良儔轉傍幽栖處斜

倚黃金盤晞陽半含吐俯臨紅粉粧深情如

欲訴乃知素履貞不忘同心侶豈與桃李枝

榮華競朝暮薰葭人宛在寄託隨所遇一日

自三秋展圖為漫賦

奉

勅題畫

烟村半隱紅樹短棹相期白亭咫尺江湖在

目漁歌縹緲前汀

西塞山邊烟水浮家幾度曾探風景豪間收
得喚回清夢江南

恭和

御製八年秋謁陵便道駐蹕避暑山莊不勝今昔
之感元韻

大孝謁

陵園西風度阪原橋山瞻

列祖巖館感

文孫避暑曾開築當秋一息輟迴思携抱樂彌訝
景光奔清澗長流淼重林美蔭繇

龍文題額炫鶴步印莎存事往頻增憶腸迴默自論

更殷堂構念貽厥永銜

恩

恭和

御製獵二首元韻

時巡蒐獮野烟秋草棘平開騁赤騮湯網早
傳三面祝周原合得五縱酬雷轟列陣魚鱗
萃風颯穹岡羽箭流詎以承平踈講武

鑾輿朔塞記重周

雉兔新肥露草濃高原馬潼茁莖蓉旌麾互

分音集 卷三
轉林巒動番落齊驅江漢溶千隊駢聲馳駭
獸百靈雲氣護

飛龍儒臣橐筆陪行輦慚媿干將未淬鋒

恭和

御製咏楓元韻

空山點綴一枝枝正合停車坐愛時幾度西
風仍颭影乍經寒露便多姿吳江遠去吟難
續塞嶺重來看更奇勻抹微頰渾似醉天漿
也復一中之
九秋木落無醜枝楓人渲染清霜時暉暉日

動旌纛采爛爛春滿雲霞姿鄴水朱華詎足
擬杜陵錦樹難爭奇塞垣底事感蕭瑟圖出
荆關有過之

恭和

御製疊前韻二首

風高雁磧賸踈枝點染遙峰露白時匪降丹
宸紆

聖顧不知空谷為誰姿山靈解設重巖色天巧偏
移五嶺奇似感

君王遊幸意特新步障一延之

記得湖西鷺嶺枝紅于閣上倚闌時

杭州靈隱寺僧

舍構有閣曰紅于者秋客已成霜鬢出塞林

猶覩錦姿鴨卵香生方待熟羽人靈化或稱

竒扈遊不減寒山徑媿少詩情杜牧之

恭和

御製秋蒐雜紀元韻

五花雲騎驟平蕪霧曳龍旂半有無山色入

秋看露骨草痕侵曉訝霜鬢雅詩曾紀從羣

醜諫牘無勞慮朽株天縱吾

皇神武畧太平行狩羨彎弧

玉鞭影外抹空青颯沓天風響振鈴千部連

營隨列衛

六龍飛轡走羣靈雷轟巨礮狼褫魄星疾驚絃雉

帶翎最喜

神臯暘雨若空山獸跡絕軫軫

親侍

軫軫獸名大水則見見山海經

金根陟磊嵬停鑣遐眺翠雲迴風旗列幕標千樣烟

火周廬簇萬堆山白豐京供賦料楓丹塞嶺

作詩媒行行漸近松楸色

原廟規樞想實枚

先音集 卷三
秋雲秋樹影婆娑吹徹旌門殷海螺人望烟
林趨畧豹獸驚野燒匿陵阿荒村趯趯傳逃
兔行帳信信隔吠獨夾道名王齊效順滿斟
馬潼獻金鶯

霜點關河正好秋更番前導出驂騮大綏抗
罷弓韜韞上殺裝來馬汗鞞

恩賚六軍溫似續詩傳千首巧於鏤遠慚秘監空
陪馭款段猶懷銜蹙憂

恭和

御製望葉赫舊墟元韻

初征自葛誓同甘聲討渝盟敢二三威震不須雲列
騎師貞合比鐵為函

當年王氣占龍見此日遺墟賸草弁緬想艱難紆

睿覽寒烟一抹塞峰南

恭和

御製謁

陵禮畢車駕入盛京得七言排律十四韻元韻

親扶

慈輦駕徂東長白遙分勢鬱葱列爵孫初紛扈從諸
藩酋長競來同祇懷展謁崇

原廟不惜馳驅瘁

聖躬一縷誠將蕭艾外千秋

靈妥苾芬中風嘶石馬寒生隧霧隱松虬翠蔚空王
氣龍蟠峰邈迤穹碑山立柱玲瓏升歆莫報
重光烈返轡還思

肇造功故里只今仍沕穆清時已久息衝攻沛中父

老懽留

蹕白水真人舊拓宮符瑞邈兮嗤禪岱規撫皇
矣識遷豐

御朝漢殿星環極卜世周家帝誘衷桑梓

恩敷膏露湛川原春到曉霜融神畿賦就方誇固

時御製盛京賦臣詩正等恭與註釋 盛禮文垂欲陋通西指

燕京餘眷戀千山猶繞朶雲紅

恭和

御製過廣寧望醫巫閭山恭依

聖祖仁皇帝韻元韻

高標臨溟渤秀色蔚芙蓉列鎮聲靈壯

陪京拱抱重三番紆

聖蹕五字紀仙峯近引

天邊仗遙看雪裏松翠雲屏尚展白玉磴新封

鉅典崇禋祀神區識仰宗

賡吟遲錦騎題額耀驪龍

曩蹟增追慕寧徒豁遠胸

恭和

御製山海關恭依

聖祖仁皇帝元韻

舊里遲移

蹕雄關屹鎮邊螺紋山翠疊蜃氣海雲連設險

前朝制承平

祖德傳詎誇天作塹早睹鼎占年重舉通番舶千屯

罷戍烟化聯中外域治協重輕權

聖藻瞻題壁

神功憶奠川丸泥伊古慨

賡咏思悠然

恭和

御製夷齊廟元韻

一瓣香傳薇蕨腸當年高躅共褰裳節完北

海終如陛

漢書羣臣如陛

封傍西山已若堂

檀弓有若堂者

矣

叩馬向疑訛漢史

本王安石說

麾旌敢罪踵殷

湯千秋憑弔遺祠在風颯靈旗灑水陽

奉

勅題人物畫屏

正月

安福門前玉漏遲青娥連臂蹋春詞何如穩
坐攢星閣蠟鳳拈來戲衮師

笙歌別院自承迎試聽閑階爆竹聲香燄欲
燃心轉怯笑看女伴玉顏頰

二月

雨歇燒痕青東郊草芽淺結伴向河橋平蕪
春婉婉為愛輒如茵莫遣香輪碾他日許湔

羣斯遊庶重踐

三月

翩翩紫燕穿垂楊游絲百尺隨風颺困人天
氣思縹緲花陰罨索紛低昂身輕自喜腰肢
細飛空半展留仙袂却從墻外望高臺更有
真人在天際

四月

曉入仙春館千枝宿露涵名傳永嘉種品向
洛陽探解語應相妬司花每帶愁金尊波瀲
灩國色喜朝酣

五月

懶事鑿蒲染艾閒來滴粉搓酥射垛粧成新
樣當筵鬥取羸輸

見說高襟從祀弓矢威儀未諳却喜堆槃九
子眼前嘉兆宜男

六月

幾枝紅菡菑照影碧玻璃若向耶溪見儂家
定姓西

便欲糞為裳平添水殿香殷勤留翠蓋乞與
睡鴛鴦

七月

一水盈盈相望遲橋成烏鵲勢參差都緣人
世求工巧不管仙家訴別離燭影未妨驚燕
宿針神爭擬度蛛絲明朝瓜果縱橫處收得
金梭定阿誰

八月

玉宇淨無塵娑娑弄清影仙掌露華流素娥
真耐冷虹橋幻出跨清虛瑠璃萬頃珠宮靜
傳將笛譜到人間一曲霓裳飄繡嶺

九月

簾捲西風霜寒修竹幾日春遊韶華轉轂挈
彼金罍憑高送目黃葉丹楓天開錦幅更采
東籬來年釀熟歸效左芬濡毫頌菊

十月

同雲漠漠垂雕檐因風柳絮穿重簾玉龍飛
舞迴冰髯西母來進嶠州甜綺衾芳褥圍貂
襜蘭膏香膩銅荷沾烟裊猊爐獸炭添玉卮
雙捧春葱纖詠出清詞謝女鹽

十一月

鎮日深閨裏催成錦繡文殷勤莫停手不限
短長分恰喜陽和轉添將一線紋丁寧諸女
伴箴管度朝曛

十二月

烘窓煖氣迴春綠冰筋條條響清玉紫瓊瑜
上巧藏鉤紅酥暈臉融肌粟殘冬風景怯凌
兢閒把消寒故事徵屈指明年上元節共圍
火樹看花燈

甲子春帖子詞

以下
甲子

寶字新題帖霞觴喜頌椒

九重春最永尊養備

鳳紀重周協履端三朝奉璧擁千官春回天
上經旬久不覺清都近廣寒

昭華引律晝初長暖入東阡花草香

仙蹕青郊迴黛耜鳩鳴繭館又躬桑

恭和

御製四月朔日作元韻

朱明剛屆節旬日共春過今年三月二日立夏鶯早

含桃矣風將擘絮何披襟遲勝賞

望澤引長哦農事侵尋急陳書憶旅禾

恭和

御製進宮見路傍麥苗待澤孔亟秋禾尚未佈種

怒焉有憂賦以自咎元韻

五事驗庶徵王省厥惟歲禹湯罪已詔歷歷

載前記詎諉時數偶藉釋君心累我

皇宏在宥民命實攸司三春甘澤愆五夜焦勞寄

桑林虔請禱引為已咎致雲漢未呈象恫瘝

早厯意轉漕待近畿補救術云脩敢徇媿媿

輩侈談豐稔瑞

鑿輿度郊原目擊尤心繫但期三日霖便可百

憂置胡乃

帝屯膏偏遣風揚翳

聖德終格天臣媿無容地仰惟

當宁懷益重在廷戾清夜一捫心分憂者何事空

自對

宸篇賡吟彊詮次

恭和

御製夜雨元韻

虔禱桑林

精意流神龍長夜碧霄游天漿滿注銀垂溜土脉

潛蘇翠剡疇四野乍占三日喜

九重猶賸一春愁曉來

親歷郊原看禾穗新添徑尺修

恭和

御製甘霖既霑詣

暢春園問安恭慰

聖母望歲之誠并成長句恭誌

盛德元韻

關心雲漢仰

宮廷祇冀民寧肯自寧玉趾更勞

慈聖禱

未雨前於宮中每日步禱

皇太后

瓊膏合貺

昊穹靈蒲尊傳撤庭前宴

御製午日問安詩有祇因憫雨遵

慈訓未敢稱

觴答令長之句

禾穎看抽陌上馨憂樂揔原

文母訓休光上掩簡編青

恭和

御製秋夜泛湖賦唐文皇爽氣澄蘭沼之句得詩

五首依韻為次元韻

新涼淨埃氛夕渚飛颯爽

至人心無繫元珠探罔象水月相澄輝倒貯蓮華

掌即事契南華

天襟愜俯仰

瑟瑟弄始波碧潭潦方既郁郁霏餘霞紅荷

褪尚未宵永逾幽佳物色冲而貴

仁智妙領取涵茲虛白氣

投篙劃渟澄蟾魄碎復凝四顧逸興發曠若

含清冰置身瓊瑤宇衣袂寒不勝上清無殊

界何必誇飛登

溯游指前浦沙礫明淺灘彷彿沅湘畔芬郁

芷與蘭鑑空納萬象地迴同一觀如此良夜

何鷗鷺陪

清歡

賦景追往躅

吟情寄芳沼含毫邈秋旻漏刻移分秒徹彼三
印義湛湛釋元了迴權艤柳根餘光尚晶皎
恭和

御製秋日奉

皇太后遊玉泉山周覽西海近郊獲事即景賦詩十

四韻元韻

省斂行西墅承

顏戒令辰笑扶

文母駕指點野人困萬寶成方告三時苦備詢

豫遊應諺夏報賽合歛幽烟舍參差接雲隄迤邐
循澗流清可漱嵐翠近堪親際此秋光好從
教宿意申綠蘿纏石壁丹葉舞溪濱鷗狎知
迎權人和勝飲醇村村鳴碌礪朶朶俯嶙峋
慰矣

大慈願悠哉

後樂身景添農事慶蓂發

聖情真雁陣催寒蚤萸觴獻

壽新屢豐長此卜海宇共熙春

奉

勅題匡廬圖

倚空嵐翠浮楹瞥見廬山眼明却羨江邊五
老香爐供養雲生

天紳挂處烟濃隔斷塵寰幾重想得幽棲洪
谷往來側嶺橫峰

恭和

御製奉

皇太后幸湯泉元韻

烟村遠帶莊靈液繞山陽氣挾熙春煦懽承

愛景長醴泉聞建武神水紀咸康何似茲源勝嘉名

合錫湯

恭和

御製韻松軒元韻

軒牖納遙岑長松翠鬱森秋高栖野鶴風靜
入孤琴大隱依巖谷清標配竹林

軒前古松
恰七株

一經

天藻咏不負歲寒心

顧盼邀

明主樵蘇絕野夫蒼髯曾號叟白石合為徒丁夢

傳終幻秦封比却輸計年論十百人樹信同符

榮落逐番新因之感遇頻山中誰是相天際
自為隣濤響寒添漲苔花翠感鱗名軒標雅
韻長此起沉淪

恭和

御製天成寺撫觀乾隆七年遊盤山記因而有作

元韻

峭壁峻增積翠流重登百尺古樓頭方新

天濛長標漢依舊山容再易秋磴歷馬蹄朝霧散

塔傳鈴語野風收自惟蹇步艱捫葛豹尾空
瞻最勝遊

恭和

御製萬松寺三首元韻

舞劍孤峰古盤虬萬景殊偏從仄徑入轉得
勝情娛清籟寒泉答

仙輿曉翠扶山僧閒入定煨芋熟曾無

精藍倚翠增取次躡雲登鐘磬誰為伴烟霞
自結朋踈林嵐影合瘦石蘚文凝千歲靈根
在丹經信足徵

晴旭豁天容
 高空點黛濃
 詩情歸半偈
 畫意入長松
 樹古鸞交跡
 山深鹿養茸
 探元宸慮愜
 底事問禪宗

恭題

御筆盆橘圖

聞道江陵有嘉樹
 圃列千頭比千戶
 叶踰淮而北已非故
 霜林夢想金丸鑄
 日邊移植雨露均
 勝紀蓬萊宮畔路
 田盤秋色晚逾佳
 金翠紛披愜

天顧

幾餘點筆為寫生
 七字題成陋潘賦
 晴窓肅展墨未乾
 鮮姿彷彿瀟湘暮
 何須入貢美厥包
 着紙霏霏巽香霧
 幾迴齒頰流清泉
 笑臣性本江鄉素奉

勅題畫

秋雲散長空
 秋水環荒渚
 芙蓉倚江遠
 葭菼帶烟暮
 落日增微波
 平蕪隱晴樹
 遙望天際明
 數行點白鷺
 滄洲夙所期
 欲即心已屢
 倘許十日泛
 舴艋載漁具
 采采芷與蘭
 領此橫

塘趣伊人如可求因之一洄沂

重葺翰林院落成恭遇

車駕臨幸送大學士掌院事鄂爾泰張廷玉進署

錫宴以唐臣張說東壁圖書府五律字分韻

臣詩正得聞字

秘苑新苞茂清時洽軌文領才資碩輔優禮

荷

明君燕酒周王藻鸞旂魯泮芹

題瞻重壁合

御書扁額一稽古論思一集賢清秘

韻許列仙分

帝曜輝丹地奎躔麗錦雯緇騰增故事

盛典越前聞

恭和

御製幸翰林院是日復得詩四首并示諸臣元韻

日華曉麗鳳池春學海千尋彙翠珍自古崇

文歸論道即今

聖主得賢臣榮光上映圖書秘景運重開甲子新

曠典寵驚前史罕幾番拜舞重逡巡

蓬山深處萃鸞鸞橐筆爭裁學士冠要識雲

霄

殊異數莫將科第等閒看譜傳樂府咸英奏宴錫

先子集 卷三
官厨湛露團歡洽更聆

天語切聖門無涖一觀瀾

榜署

天題壁彩聯詩成更賦柏梁篇幸蒙此日榮稽古
却勝當年號集賢玉醴斟來親

御案

是日臣詩正蒙
案前親賜一卮

恩宣喚至
蓋異數云

綺文捧出帶

爐烟瀛洲舊住神仙侶今更名標最上仙

東觀多才道化融勤思則古懋

淵衷書探宛委方稱富學貫天人信可崇月露不
誇千首麗堂廉合慶一心同幸隨元老叨賡

拜身在唐虞二典中

恭和

御製便閱貢院得詩四首元韻

移來

天仗趨佳辰棘院深嚴傍

帝闈四海早瞻文煥爛

九重猶念士艱辛風簷晷迫通經彥雲路梯攀射
策人從此

恩流登俊地陽和分取藝林春

奎光煜煜燭乾台從古瑤林萃衆才三載賢

能書盛矣百年禮樂運皇哉魚龍變化隨春
動桃李繽紛向日開金榜更垂

天筆麗旁求令典式將來

御書旁求俊人
扁額懸之堂皇

浩浩天風奮羽搏凌虛直上與雲干漫言塲
屋科名易須識

朝廷拜獻難白首一經憐下士丹鉛三復重儒

官升沉祇判持衡手莫使搜芳桂獨殘

冬冬院漏夜初沉猶記當年抱苦吟官燭分
來催草就句臚唱罷被

恩深久咀橄欖回初味敢侶鸞鳳忘舊林此日攜

毫傳盛事仰欽

明主愛才心

恭遇

皇上駕幸翰苑

錫宴賦詩旋蹕便道閱貢院登觀星臺

盛典光昭儒紳慶洽恭紀五言古詩三十六韻
進

呈

今皇御區宇堯舜道同揆

睿學孕天人昭哉文治啟闢門籲賢俊勩相登吉

士莪莪秘書省清要重前史時平五緯調璧
府光輝煒

詔下承明廬丹堊飭匠氏鳩工成不日苞茂新瞻
視景運慶方中

寶額榮雙峙星官敬諏吉

龍馭一戾止素王道恢崇芹藻薦芬旨黃扉有
二老股肱夙所倚特藉領羣才遠與燕公儼
至尊送就職

御宴酌芳醴蹌蹌蘭臺彥餘澤均霑被猗歟一德
風燕衍徵喜起遂授唐宗什分韻裂華綺柏

梁重賡吟次第叶宮徵

大君鏗咸韶聲振包衆美詩成燦珠璧照耀玉河
水翰林故事多

盛典無逾此

迴鑿顧清班發軔有緣始設科收良材鎖院萃
梗梓

勅遵周俊坊紆

駕龍門裏棘垣信深嚴矮屋排雁齒讀書念寒
畷辛苦此燒尾

璇章揭金榜儼語霞斐疊旁求厓

深衷知人勗百爾千秋欽

聖德藝苑紀隆軌天文麗層霄仰見日戴珥司儀
拜手言靈臺距尺咫和風吹

袞衣拾級升玉趾古器紛璣衡觀玩通奧理煌
煌燭奎壁瑞叶文物紀永見泰階平得人綿
國祀卓午

鸞旂旋衿紱充衢里承

恩感優渥作歌媚

天子

恭和

御製泛月有作元韻

浮翳斂長天涼蟾明曲渚中流一櫂迴載得
光幾許

聖心淨塵埃空明涵遠浦俯仰一舒嘯高旻下雲
侶靜境良默會

清篇非漫與往來長不繫南華意可覩

恭和

御製大學士徐本以病請致政暫允歸籍調理行
有日矣詩以賜之元韻

禮舊昭

殊渥元臣勵匪躬清勤三事式哀病二疏同政致
朝廷上

恩縈夢寐中乞歸行已卜分念惜無戎

錫賚優文潞咨謀眷鄭冲叨榮誰得並辭

闕意靡窮葵藿傾初日鵷鸞仰下風津亭紛慰

祝重履玉階崇

恭和

御製九日奉

皇太后登高元韻

節屆秋光晚觴傳

聖母前愜心憑有歲勝地借張筵遠黛窓中列寒香
座上延何如關塞景重憶侍

鑾年

恭和

御製九日題菊元韻

百卉方搖落秋容正可人烟霜寒不減臭味
淡偏親名並芳蘭秀根沾湛露勻年年邀

睿賞寧必伴幽淪

恭和

御製題余省畫菊元韻

秋容憑寫照彷彿化工施影傍古潭水香傳

九日詩離離寒砌外瑟瑟晚風時憶許賡

題句重陽不負期重陽前一日命臣等書和題菊詩於屏障得見御苑秋英

離離奪目誠幸事也

矢音集卷四

錢唐梁詩正薌林

乙丑春帖子詞以下乙丑

軒紀方編十堯莫喜茁三

宮庭春慶洽餘澤遍傳柑

縹緲瀛洲朶殿隈榮光上屬斗杓迴玉河訝

許先春泮曾荷

恩華臨幸來

乙木乘時啟歲華條風送暖到

天家即看上苑新桃李爭吐瓊林第一花

恭和

御製新春試筆元韻

辛盤小簇韭芹芽東指星杓仰帝車浮碧尚
餘元日酒裁紅初試上林花光風草際凝晴
雪

睿藻天邊散綺霞正是

齋居虔肅候清吟無復筦絃譁

恭和

御製風候寫生元韻

小寒一候梅花

園林雪後見新粧一夕橫枝占早芳試向東
風問消息巡簷詠罷憶何郎
雨水一候菜花

老圃生涯事種菘黃雲匝地影茸茸偏宜點
綴滕王蝶鹿眼踈籬隔幾重

驚蟄一候桃花

緗核無須咏實蕢仙源窈窕度紅雲一枝似
向春風笑笑煞盧家醜面勤

春分一候海棠

縱使無香亦可憐垂絲旖旎繡簾前名花幽

獨君休訝雨泣烟愁分外妍

恭和

御製新月元韻

欲上絃時未中繩初生一線海潮應爪痕試
搗纖堪玩歌扇新鏤弱不勝東陸圓輝遲寶
鏡西清斜影伴青綾最憐春信前宵屆恰助

天家院院燈

恭和

御製落花詩疊舊作落葉詩韻元韻

惆悵辭枝豈自由催歸杜宇竟難留樊川心

事驚春晚金谷繁華付水流綠蔭轉深宜結

夏紅情乍減憶先秋天涯芳草相逢處不待

言愁始欲愁

誰辨深紅與淺紅狂華客慧本來空蘓詩不比狂華

生客即看點點隨飛絮何異飄飄逐轉蓬芳

事易經三月雨多情難護一闌風要知錦繡

根菱在開落都歸長養中

歡塲未息去來心祇覺飄零感慨深涼露有

時餘粉澤倚風何日弄晴陰流鶯曾記丁寧

語芳蝶重來宛轉尋對景居然小搖落春絃

誰與叩商音

暈碧裁紅態自殊一春飄瞥竟何須儘教色
相空真有應識顛狂老漸無簾外乍看迴乳
燕枝頭寧待聽啼鳥人行紅雨休吟惜勝對
寒臯隕穉株

樹裏聞歌喚奈何當筵空惜折枝多粧成半
面猶窺鏡舞罷迴風竟撇波見說漁榔迷洞
壑悔將羯鼓促庭柯牽情尚有青青柳萬縷
低垂蘸玉河

烟景濃春似晚秋憑闌容易觸吟愁鴻飛已
悟曾留爪劍墮何煩更鏤舟興盡一時同訪
戴客來前度合思劉

仙豪疊示拈花義香海憑看起滅漚

恭和

御製出古北口元韻

聖德懷柔罷度遼塞垣于邁趁晴霄一門天豁秋
容峭列扈雲馳暑意驕雙隻堠連瞻壘靜高
低田藪卜時調承平講武光

前烈詎止文思頌

帝堯

恭和

御製多倫諾爾元韻昔爾喀於此喀爾喀皇帝會盟喀

之敗 聖祖憫厥困窮賜之畜牧而全

其生使仍汗王貝勒故號世守其土地至

言巡龍塞日重憶

祖功時大德寧番部殊威舉義師跳梁禡犬豕誓野

振旌旗象譯榮歸化燕然陋紀碑只今崇梵

宇猶自薦文皮永矢金鏤版前驅鐵撚絲經

緇佛氏偈澤被

聖人慈湛露歡情洽還將妙畧窺

恭和

御製上都懷古元韻

水分大小帶全遼騁望吟魂黯欲銷毳帳歌

殘鴻陣合榆關獵罷馬塵消只孫宴上傳新

戲納鉢營前憶早朝時邁即今紆

聖顧頽墉風雨正蕭蕭

恭和

御製進張家口元韻

法駕經沙磧歸程度嶺烟魚關吭獨扼雉堞齒

相連人語香花裏村閒碌碡邊羣來瞻

日角拜舞倍懽然

迴看龍塞路天半隱梯階番部修行餞官軍
罷摘差

賜租隨處遍省斂與時皆蕎麥花開晚如銀糝翠
崖

塵清臨上路雪意釀初寒不見三秋菊猶餘
八月萑披雲衣拂翠行字

手研丹風景殊今昨詩成許共看

霜磴點苔蒼高田接杳茫有秋差可樂

祈歲轉難償林罅烟墟白坡凹土屋黃平臯肥首

着牧馬水泉陽

中外奉春秋邊氓俗黜浮市喧諸賈集嶽鎮
百神柔戍壘輕移

蹕軍書久息郵勤思勞

盱食媿未借前籌

恭和

御製土木堡元韻

在懷來縣西北明永樂初置堡正統末車駕駐此北狩堡遂毀

指點烟蕪冷戍城當年功罪定誰名委師內
豎成菹醢監國中原靜沸羹和敵一時嗤末
議褒忠千載有餘榮安危浩劫增嗟論殘壘

依然帶紫荊

關名

恭和

御製玉甕歌元韻

玉有白章隨其形刻為魚獸出沒於波濤之狀大可貯酒三十

餘石蓋金元舊物也曾置萬壽山廣寒殿後在西華門外真武廟中道人作菜甕見

輟耕錄上命以千金易之仍置承光殿中繫以長歌

金元勝蹟銷沉訖日下捨擗半殘闕瀆山玉
海歸然存疑是撓呵煩神物只孫高宴憶傳
觴乞汝神漿憑換骨壺公縮地元圃開萬斛
源通酒龍窟即看星宿捲波濤似並崑崙行
壑芬水夷海童驅一白怪入與齋偕出與汨巨

鱗長鬣逞飛騰滌雨歆雲驚屑沒洪纖環繞
燦星羅拱衛尊嚴屹屹鐘沉鼎出幾遷貿
顯晦揔隨元氣嗽蓬萊清淺詫揚塵繇華瞥
眼旋飄歛寶器同淪逐化龍舊錄閒披嚼空
胡曾聞白黑間成章巧手隨宜作窪突恰借
繇雲隱翠螭還留墨點成斑鱖一一狀態入
牢籠太極週圓精所鬱自從方外困壑鹽無
復陞前光袞黻廣寒尚想構嗟我瓊島空看
浪瀟渤乃知至寶失所託流落人間愁隍杌
我

皇稽古勤蒐討，紉縵光華文。治蔚偶向僊壇覓，曩
踪塵浣千秋重。拭拂依然秘殿位，置宜合浦
珠還氣忽勃。苔花剔盡虹彩飛，頓起泥塗更
繡鞞。髣髴西京鐘簴移，賸却金人猶乞乞。崑
岡劫後幾多年，不灰僅有爐中杵。好從銀鑿
緬遺模，何待荒榛尋斷碣。摩挲三帛轉增吁
得路真堪補黥劓。

天歌浩唱涌江海，韓蘓石鼓慙銅劓。要識遭遇合
有時。

聖情豈為玩好相，瑜瑾潛光終必發。寶物尚爾賢

寧不千金市骨致，神駿長此幽遐無沮艱。

丙寅春帖子詞

以下
丙寅

寶符羸一策，綵勝傍元宵。

長樂觴浮玉，春斟北斗杓。

澄霞縹緲映樽桑，劍珮充庭染

御香歲協初元龍，虎會春留餘潤海天長。

鳩鵲晴開氣乍暄，九天豐玉積郊原蠲租。

特詔從今始，比戶先春飫。

渥恩

恭和

御製新春試筆元韻

翠鳳拂天旂蒼龍驗星指滕六恰飛花冰條
綴粉蕊

皇情與時茂藻思蔚霞綺消息慶豐占從容麗華
紀熙春偕衆樂省歲求端已獨慙賦雪才預
有需雲喜載歌歌載燕受福匪今始

恭和

御製正月二日小宴廷臣元韻

元正趨北闕高會繼東堂嘉旨羅千品
恩華動百昌仙韶徐按拍

御座屢傳觴旣德資乾施占交叶泰陽潛魚方

近渚候鴈早辭湘錦

錫雲霞麗奩傳楮墨香飛翼知歲稔酌醴慶時康
睿藻先春發蒸成和氣祥

恭題

御筆梅花小幅

風神冰雪繪應難想像孤山水石間乍拂

仙毫隨意落頓教凡艷盡情刪垂枝墻角相看瘦
倒影溪灣獨對閒待入晴軒招益友清標逸

格定誰攀

大內有三友軒貯前人所畫梅竹松名蹟

恭和

御製正月十六日奉

皇太后瀛臺看烟火即景燈詞八首元韻

青帝前宵乍轉規
蓬瀛佳氣藹雲垂
諸番仰識

天顏喜扶

輦瑤階幸液池

千林火樹影迴旋
彷彿龍宮寶焰燃
徧綴明珠盈海岬
遠歎金粟散昆田
歷歷星榆夜色清
仙都遙放大光明
即看蜃

氣成金闕勝上虹橋倚玉衡

對景真宜月兔茶衆仙清讌

玉皇家指揮列缺騰霄漢
枉矢橫飛百丈蛇

良宵勝賞聚春臺
西域燈輪動地來
鮮甲怒

張驚蜿蜒華鬢徐動認毵毹

龍燭長銜不夜光
絳河流影送靈香
通明殿

裏迎

金母縹緲鈞天廣樂張

屬國應知漢相真

皇心特重老成人
撤蓮故事傳

天添元氣蒸成別樣春

帝城三五會華林
賡和空慙鶴在陰
願擬蘭缸餘甲煎
九垓遍灑作膏霖

奉

勅題古瓷琴

燒土乃成堦八音有瓷作桐材
易以製取韻果奚若嘗聞古琴臺
列甕宛藏橐鳴絃應虛響風籟轉
松壑誰令哀玉彈翻向陶家託修
內重官窰供御想如昨希聲代傳
寶長奉

歌風樂賦質謝蟲穿無勞鞠通索
古黜隱沉沉冲

然具元泊鑒賞自

天題浮光映銅雀

奉

勅題文徵明溫蘭

別種移楚畹芽茁甌江晚離披巖嶠
中生香發婉婉空谷誰傳姿妙手圖
墨本亂葉叢以長幽花偏其反安得
紉為佩緬懷君子遠

奉

勅題文徵明山靜日長圖

唐庚本靜者頗得山居趣平生恣搜
討留此

太古句畫家每師資各寫巖壑痼誰來結跌
跏大塊悟形寓竹密梳清風鶴馴聯野步一
再披圖遊令人發深慕

恭遇

賜宴瀛臺用唐臣李嶠甘露殿侍宴詩分韻臣詩
正得窗字

嘉會

前光廸疏筵啟八窗洲分仙境十秋慶瑞岐雙按節

金鏗應

揮毫玉潤縱花明爭

賜錦波動促飛缸殿仰需雲榜詩慙郢雪腔游龍

名舟迴棹緩山翠落輕簾

恭和

御製瀛臺賜宴得詩四首示諸臣元韻

綵仗晨嚴蹀玉珂環瀛鳳吹應巢和羽觴裁介
千秋節鉤盾還呈九穗禾序洽

宸襟昭茂對境通仙籙許來過曾聞黼宴

神堯日喜侍虞絃聽載歌

金英粲發晚香稠玉竦橫歌倒景浮

泰一高居懸日鏡鈞天緩奏駐雲流若時行慶霑

零露補闕申咨重濟舟
御製有申咨山甫
其何補袞闕之句
七字聯吟依

睿藻不同綺宴進歌頭

廣廷松竹靜娟娟金碧觚棱散曉烟
恰喜當窗排遠岫更臨激水列長筵
古芸香動仙函出瑞錦光分海客傳
最是一卮邀

手賜柯亭沾溉又今年

皇歡寧為水雲留

祖蹟重光寄勸酬苑樹霞烘珠果晚
棹謳風送錦帆

秋

飛豪遠軼橫汾曲垂餌空慙釣渭鉤
既醉恩深

聞

後命儘教容與鳳麟洲
宴畢傳旨令大小臣工
於各勝處隨宜遊覽並

命御前侍衛
諸臣導引

恭和

御製擬中秋帖子詞元韻

桂枝香滿一輪閒未許吳剛借斧刪
臺榭參差延皓魄恍從銀闕識三山

高擎仙掌裏寒光玉宇無聲露氣香
明鏡九霄誰捧出太清點綴淨雲匡

畫法詞臣北苑師圖成韓偓禁中詩分明金

粟婆娑影不羨鄉嫗記玉池

瓜餅家家列翠樓西成正報十分秋

天襟慶洽裁詩句故事新傳朶殿頭

恭和

御製重陽前五日作元韻

上林秋色歸叢菊揔為重陽蚤送馨採摘滿

看金蕊綻登臨遙遲

翠華停却因香岫催芳宴轉憶龍沙響雁翎

昨

上於塞外度重九歲歲霜前邀

賞識東籬寒瘦可曾經

奉

勅題董邦達寫返照入江翻石壁歸雲擁樹失山

村詩意

楚宮迴暮雨巫峽隱晴色倒影射江深素浪

捲青壁歸雲去遲遲顧待飲川霓橫抹長林

梢遠混炊烟白趁墟知己暝泛渚猶未夕晦

明各異態清景窮摹刻冥搜覩天巧妙領登

臨客瞥眼愜卧遊詩境畫中得粉本倩誰傳

還從杜陵覓

恭和

御製恭謁

泰陵禮畢奉

皇太后便道詣五臺瞻禮曼殊易州道中得詩二十

八韻元韻

燕代勢馮陵

鸞旂度礪塍地當三口會序恰九秋乘風戒仙

駟駕

親扶

聖母昇展

陵儀既備巡塞禮維應參井星躔朗滹沱浪色澄豫

遊符夏諺祗適惕春冰

祖武光無極臺懷景孰勝榜

題標舊蹟輿志足明徵紘府凌蒼昊香林倚翠

增棲真大士現結宇曼殊憑衆聖曾來集三

山合並稱志載五臺峨眉花斑羅錦繡根淨

絕嗔憎此日

行旌指方冬盛事增范城馳馬跡徐水殷車轆

范陽城徐水皆在易州境內吏候紛如蟻飲飛健似鷹矧

逢年稔告遍聽俗歡騰刈罷場橫鉅漁閒岍

挂罽烟畦看歷歷霧磴踏層層化域程非杳
春臺戶早登幘幪叨

帝力歌詠竟誰能懷古資吟喟升高矢愆兢巖扃
從可接

陟降若為凭秀罽娑羅樹輝懸多寶燈神釐頻致祝
慈豫每先承要識清涼境非皈乾竺僧辰居還北拱

雲蓋自西興迎

輅峰千朶隨鞭月一棱山靈重志幸駐蹕

兩朝曾

恭和

御製三箭山元韻

在龍泉關側崇巖竦峙昔
聖祖仁皇帝經此勒馬而射連

飛三矢直逾巖頂居人
遂呼其處為三箭山

壯士歌從往牒聞

盛朝英畧更超羣秋巖一落強千丈夏服三連帽六

軍

大勇錫天湯武並雄關遺蹟代燕分即今

揚烈重經處指點情深望白雲

恭和

御製長城嶺雪霽元韻

臺麓星陳轉關城雪霽初銀沙參色相雲梵

分音集 卷四
憶鐘魚曉氣迷行騎寒光颯佩琚蒼茫連野
戍迢遞帶林廬雁翩催相接羊腸戒少胥滑
愁千步磴溜待早春渠放眼窮清曠賡吟度
鬱紆風花迎

睿藻豐玉喜冬餘

恭和

御製雪浪石元韻

坡老胸次烟雲屯才名高與五嶽尊一官冗
寄增硯礪閒情選勝忘朝昏忽憑造物開山
骨竒翻雪浪中山村蜀孫畫景訝殊絕不誇

天井兼風門至今好事傳遺蹟千載猶足紆
詩魂我

皇六飛經定武嗜古直探蒼巖根銘詞詩句互摹

榻醉墨彷彿淋漓痕不朽以人匪以石衆春

芳躅堪齊論坐令風流想玉局跳珠指點芙

蓉盆惜哉松屏久蕪沒

東坡在定州又得竒石號松屏自為贊今

所在不可考刼灰待訪圖經存

恭和

御製咏雪擬蘇軾聚星堂體兼用其韻元韻

澄海樓前舟似葉驚濤萬頃堆寒雪陪吟曾

先音集 卷四 二
觀灑

仙豪禁令森傳愁窘絕

乾隆八年臣詩正扈駕發盛京歸途經山海

關登澄海樓觀海

御製首倡命臣張照臣詩正聯句禁用水部字甚嚴一時殊苦艱澁

今朝即景會賡詩承

命先教氣再折霜旻低黯日熹微歷亂天葩互生
滅羊山鷄寨浩無垠長空影落饑鷹掣連延
宿隴壓遺蝗野老歡情騰醉纈侍臣迤邐奉
屬車清塵天假靈雲屑眼眩疑搖瀛海光風
花來去真如瞥歐蘓千古稱詩豪白戰從來
矜剏說重拈背觸慙鈍根陶鑄希同

大冶鐵

恭和

御製太液冰嬉十二韻元韻

習武羅羣旅臨冬試大觀制因沿國俗職不
隸虞官凍合銀成界流凝玉漱灘招搖迴瞥
電空涌駛飛湍乍可嚴裝結爭夸妙技殫怵
先還恐後履險却趨安目眩驚飈疾心懷奪
錦難長絙橫浦濶圓彈蹴霜寒旋折同環轉
殷麟掩珮珊陸行嗤驟馬雲馭陋翔鸞呈巧
太微座酬庸上將壇肄戎

家法舊

天笑幾迴者

敬題

三希堂圖應

制

書品稱聖無過逸少家法是貽官奴特妙奕
奕東亭韻流椽筆躡跡雲龍抗行齊匹鐫華
永式墨本無多竟完片璧神物搗呵

幾餘甲乙研精寶笈採掇菁英居然鼎立堂仍溫
室顏曰三希

仙毫記述妙緒雲飛厥義維何物以少貴緬企遐
踪轉含道味與古為徒與天為徒進德游藝
于此焉俱心畫神營旁叅筆陣却笑米家但
誇寶晋琅邪羣從風流著聞披圖靜對未沫
遺芬稱制評書右軍傳贊

睿思淵微義超貞觀

恭和

御製題唐寅夢筠圖元韻

蕭閒長日讀黃庭几榻遙分樹杪青籜解千
竿沾露粉堂開十笏帶春星坐親君子消塵

先音集 卷四 六
慮夢入蘧廬想幻形一枕初迴茶鼎熟颼颼
松籟雜幽聽

奉

勅題文徵明松陰高士圖

灑灑迸泉鳴落落寒松直磐石隱苔紋似布
幽人席同心有禽向五岳散輕策棲遲一壑
間把卷快新獲千載足高懷妙手偏傳得想
像列仙臞翛然老山澤

奉

勅恭題

御製豳風圖

周家王業繇田官豳風七月陳艱難點染成
圖配無逸藝苑流傳趙松雪我

皇監古念民依長為兆姓愁寒饑農桑大計軫
宵旰貌瘦禔蘄天下肥田家風景時在目

毫端萬象烟雲簇精神意態摠如生寫竹胸中
有成竹日星旋轉占枯榮春鷓秋蟀聞鳴聲
草笠軒軒風影動機絲軋軋蟾光清連村力
作無遊惰想見當年勤勸課歲終朋酒躋公
堂

先音集 卷四 三
宸衷應喜歌時康故知寶繪原

心畫不假臣工申鑒誠題辭便可錄周詩設色寧
須仿元派耕織

先朝績事施此圖更是太平基即看三百全摹出領

要常將八幅披

丁卯春帖子詞

以下
丁卯

天紀占星次還從十二周元音雙琯律春色

五城樓

萬國朝正傍

闕趨川珍嶽貢耀天衢

君王側席求賢寶祥報文昌氣似珠

元日頻傳試筆箋喜看

天蒸發花前青郊烟景關心處從此農忙又一年

恭和

御製題宋元明梅花合卷歌元韻

暗香疎影吳儂諳往往寫作留雲藍偷將春
信貯腕下一枝先驛傳江南禹功遠矣標高
格吳生競爽惟三蕪園林半樹想清冷平章
揔聽騷人拈乍開凍蕊耐風勁孤撐老榦爭
霜嚴只如映月在窗紙清芬已覺通屏簾名

流鑒賞雜題識小筆時傍苔鬢添誰歟好事
蚤收拾累甓還合浮圖尖試從清秘擬珍玩
高下豈必殊琮瑋

仙豪點染肖天秀鐵石心透浮醺醖更叅妙蹟

盡生態却溯遠派供吟談如聞楊老

楊无咎

謝

青笑讓出頭地掀髯忼分題未已

大篇繼險韻屢押情逾恬獨慙賡和進里曲煎茶
無乃加薑鹽重為茲卷慶遭際無名并得光
幽潛梅魂縹緲應招取香雪正覆舍章檐

恭和

御製分題梅花卷元韻

雪梅

祗應六出讓天工姑射仙姿許略同牕影分
明憐玉瘦不須更借月光籠

蓓蕾梅

春寒芳信滯南枝啣粒霜禽着意窺欲識梅
生藏用處好憑讀易問端倪

用魏了翁詩語

蓓蕾梅

古榦梅

孤撐冰雪待春風漫論他時鼎鼐功幾點疎
花消息動便應管領上林紅

先音集 卷四 三
恭題

御筆折枝梅花

暖律迴日至一氣無畦畛生意盎

淵抱坐挹江南春清新出筆端邈然傳其神橫斜
落尺素澹沲離纖塵詎向畫求妍領取寒梅
真觚棱月墮夕縈几風清辰笑彼灞橋上辛
苦尋詩人

恭和

御製題元人七君子林歌元韻

畫師出手成筍林元明一派占朋簪吳興有

子正與先友仲賓抗

李衍字仲賓

丹邱生梅道人

瓣香與可重見妙蹟傳來今雲林高格友石

雅相似

王紱號友石

善乎宋生題句自賞干畝秋

厓陰挺孤根兮引叢篠颺烟翠兮含風音冥

搜極討變態備筆掃丈尺攄胸襟幅中鬱律

走竒氣宵隨陵谷同銷沉何人好事聯合壁

幾暇絡繹供披尋追思當日竹林客對此把臂一

笑爭難禁寫生能手數恰稱面貌殊別還同

心試將七賢與分配若星在斗絃在琴興酣

泐筆

大篇出却似寒梢萬个舞風篩月濃露淋枯毫強
綴擬藤蔓詎堪照影臨清潯但喜梅花三昧
從茲擅雙美竊嘆古今神物離合由

天斟

恭和

御製江參千里江山歌元韻

清禁何緣挂帆席川塗遠放無停蹟挹將朝
爽望吳山奪取晚芳吟楚澤忽聞

天笑撫長卷暫爾神遊從莫逆江山千里渺無涯
都自江郎指端關連縣應有風雲通舒卷祗

愁几案窄元明傳寶辨題識苔雪浮家想征

役

江參寓居雲川

披圖更擬問三衢

參有三衢圖著稱畫史

待詔劇憐空一夕丹邱元宰結真契官許權

豪污高格莫言舊價等隋珠試看新題降

奎畫百年重訂畫禪盟石渠永與塵凡隔幸邀賡

和一甥觀翰墨風流追往昔

恭和

御製題三友軒元韻

圖書照耀光摩尼珊網畫擁球琳資

聖人寓意不留意有會心處自得師歲寒三友冷

相結岱松渭竹庾嶺梅叶天同神比想高韻
畫手竒逸能傳之朔林挺植二九榦數與文
合稱名宜雲西勁筆寫真面不遇海粟知者
誰彭城一派瓣香遠七賢彷彿肩相隨還從
竹外擬梅格毫端蓓蕾春風披歷宋元明選
墨妙合璧卷識連珠辭前人鑒賞自珍重豈
如

奎畫邀

天題丹青甲乙辨毫末嗜古何啻遊波斯桓厨神
物不足詫歐陽譜錄奚爾為軒開三友供儲

蓄義取集益皆心知進之儼預孔門列如親
嘉侶揚須眉哦詩詎止愜清暇入室正覺逢
丞疑載賡竊凜歲寒搯願闢小屋同退思

恭和

御製春日駐蹕香山元韻

別館依崇巘春遊及快晴雲扃聊弭節烟隴
最關情遲景鶯花麗幽踪鶴鹿并憑高展
芳翰應不假元卿

鳥語山長靜松陰殿早涼巖屏開紫翠村落
仿栽桑遊目多神契澄懷是樂方天教留閱

先音集 卷四
境選勝待披荒

崑閬勢平臨高居愜

聖襟批章凌曙旭聽漏轉昏參儉惜茅茨翦緣隨
山水深賡吟託泉石猶足洗蓬心

敬題

御筆補桐書屋圖

綠蔭依然廿載初郭駝補植竟何如苑枯萬
彙關心在

清暇時繙種樹書

計年十百重尋思白石清泉小憇時斲取名

材供撫弄南風譜入五條絲

林壑閒情展石渠修梧小閣憶倪迂一從芳

築聽踈雨不羨當年清閱圖

內府藏雲林清
閱閣圖編入石

渠寶
笈

仙毫乍染鳳條成雙管翻啜祇半生添得

新詩題葉上丹山萬里應清聲

恭和

御製欲雨元韻

鄭重知時雨

宸懷切遠忉山樓風乍滿林雀跡旋韜量課關心

久延俄屬望勞油雲天際合那復慮屯膏
恭和

御製兩元韻

銀線條條河影傾頓舒

露禱立檐楹滂沱恰俾符詩義占驗曾經證論衡

月離于畢時或有不雨者
上嘗閱論衡求其義 槁壤既霑禾稔旆

炎氛乍却葛衣清

天心蚤鑿精誠在四野歡傳一尺盈

為霖三日有過之年穀從耆並受詒澤為少
需逾渥矣望因滿愜轉殷而干畦水溢蛙鳴

候百尺潭深龍起時觀稼詰朝傳有喜先期

宵旰更誰知

奉

勅恭題

御製毛詩圖

伊古垂訓左圖右書覽觀鑒戒如與游居我
皇稽古道存目擊無逸幽風高張殿壁

娛情翰墨清燕餘閒萬象天秀隨元氣還詩三百

篇繪事流美惟馬和之超宋畫史風雅所寄

尚有典型匪刪匪逸不見全經爰整曩規羣

工待

詔仿舊補遺擬茲筆妙能品備矣未進于神
仙毫點染飛動疑真乃睠左方

御書章句遠邁思陵諸體畢具南陔已降東哲補
亡周情孔思更撰篇章七載聿成珠聯璧合
雲漢昭回長輝寶笈

神心遠運大義載宣匪曰游藝進德在焉五際六
情條網可述理趣環深蘊涵微密寫色呈貌
屬采附聲美刺審象心開目明受詩卒業求
端要止大旨所存聞子朱子斯圖重訂萬象

星攢開卷自得可興可觀由缺得完因文見
道古蹟流傳儼然師保臣也稽首大哉

王言妙闡經義德成教尊形四方風繫

一人本但凜陳詩何煩補袞丹青法戒矇眊誦箴
此焉兼舉匪今斯今盛德形容千載一遇歌
頌無文聊充傳注



